


# BOETAPELE

 [Sehlopha sa bana se opela *Bodumedi Bja Nako Ya Kgale*—Mor.] Lena ka nnete le nabjo. Ge e le bjo bo botse go lekanela go lena ka moka, ke bjo bo botse go lekanela go rena, gape.

<sup>2</sup> [Ngwanešu o re, “Bjale ba fa mpho ya bona go wena.”—Mor.] Nna, seo ke se sebotse. [Bana ba fa Ngwanešu Branham mpho.] Ke a le leboga. [Kgaetšedi o re, “Mpho ye nnyane feela, Ngwanešu Branham, bana ba bolokile dipene le dinikele tša bona. Gomme . . . ? . . .”] Ke a le leboga. Ke a le leboga, ngwanešu yo monnyane. Ke a le leboga, bana. Ka nnete ke a le leboga, kudu, kudu gantši. Gomme Modimo a le šegofatše.

<sup>3</sup> Le a tseba, Jesu o rile, “Ka bontši ge le efa go ba bannyane ba, le e dirile go Nna.” Le a bona? Ke lena banna le basadi ba bosasa. Ge fao go le bosasa, le tla ba fao.

<sup>4</sup> Ke na le pene. Ke go leboga kudu hani. A nka e bula? [Ngwanešu Branham o bula mpho gomme o bala karata—Mor.] Le e dirile gabotse, ke ye thata ka mokgwa wo mongwe go . . . oo nna, ke ye botse kudu. Rakgolo o swanetše go hwetša digalase tša gagwe, le a tseba: “Tumelo ka go . . . thoro ya peu ya masetata . . . Molaetša wa gago . . .”

A seo ga se se sebose? Le a bona? Oo, nna, nna! Ke hloya gore le mphe se. “Morategi Ngwanešu Branham, Oo, o mogwera yo mobotse kudu. Re a holofela gore o tla—o tla šegofatšega ka dilo ka moka tše o di hweditšego. Re a go rata; ka go ka moka lethabo lela; gomme a nke, morategi Morena Jesu a go šegofatše wa go huma.”

Oo, seo ka nnete ke se sebotse. Ke a go leboga, pelobose, yo mongwe le yo mongwe yo motee wa lena. Seo ka nnete ke se sebotse.

[Ngwanešu o re, “Ngwanešu Branham, ke a dumela o tla dumellana gore re na le thitšhere ye botse ya Sekolo sa Lamorena.”—Mor.]

Ka nnete le nayo. (E no ntshwarela se, Billy.) Bjale, se se bjalo, o dirile gabotse, ke hloya go se dirolla. Botse kudu. Ke a thanka yo mongwe wa bomme o dirile se setee se. A seo ke therešo? [Ngwanešu Branham o bula mpho ye nngwe—Mor.] Huh? Go lokile, ke swanetše go . . . E ka se tabogele ka ntle? Oo, nna. Oo. Oo, nna. Seo ka nnete ke se sebose . . . ? . . . re tla ya le seo. Leo, o ya go makala gore ke yena wa lapa lefe. O e kgorameletša ka senepeng se sengwe le se sengwe. Seo ke se sebotse ka nnete.

Bjale, bana, leo ke lenaka la bontši gomme ke tla tšea le gomme ke le lekeletše ka legaeng la rena le leswa. Gomme

ke a nagana ge feela re—re na le legae re tla ba le le ka go gopola sekolo se sennyane se sa Lamorena mo ka Prescott. Ke fa ditebogo go Modimo, ke fa ditebogo go Morena ka se sengwe le se sengwe; gomme ke fa ditebogo go Modimo ka bašemane le basetsana ba bakaone ba bannyane ba bjalo ka ge ka moka le le bona. Go no nagana ka nna ka go ye—ye nako. Modimo a le šegofatše ka moka. Re leboga ka maatla, ya, ke mo gobotse ka nnete. Tšhušumetšo, seo e no ba se re bego re se nyaka, se sengwe sa go swana le seo. A e be e se rena?

[Ngwanešu o a bolela—Mor.] Gabotse.

[Ngwanešu o re moopelo o beakantšwe ka motsotso wa mafelelo.] Fao ke mo o lego wo mokaonekaone.

[Sehlopha sa dikgaetšedi se opela *Tlase Go Tšwa Letagong La Gagwe*, ka gona batheeletši ba a tšoena ka gare.]

O ke Mo rata bjang! Ke Mo hlompha bjang!  
 Mohemo wa ka, phadimo ya letšatši ya ka, tša  
 ka ka moka go ka moka!  
 Mohlodi mogolo o bile Mophološi wa ka,  
 Gomme ka moka botlalo bja Modimo bo dula  
 ka go Yena.

[Dikgaetšedi di tšwelapele go opela khorase ya *Tlase Go Tšwa Letagong La Gagwe*. Ngwanešu o eta pele ka *Dumela Feela*—Mor.]

. . . dumela feela,  
 Ka moka dilo di a kgonega, dumela fela;  
 Dumela fela, dumela fela,  
 Ka moka dilo di a kgonega, dumela feela.

Ke a dumela nka kgona go rera diiri tše nne bjale, ka morago ga ka moka seo. Ke be ke nagana gore ke be ke eya go lapa. Ga go makatše lena basetsana ba bannyane le kgona go opela gabotse kudu, lena basetsana ba bannyane le bašemane ba bannyane; theetšang ka fao bokgaetšedi ba lena ba bagolo ba opelago, le bommago lena, baopedi ba go makatša. Seo ka nnete ke se sebotse. Ke mang mosetsana yo monnyane a bego a etella pina pele, a ga se wena mosetsana yo monnyane ke kopanego le yena go kgabola kua? Ka nnete o na le lentšu le lebotse; ka moka ga lena. Le no . . . ke a dumela e bile, moopelo wo mokaonekaone kudu ke ilego ka o kwa, ke thwi mo. A ka moka le itokišetša seo nako ka moka? [Ngwanešu o re, “Aowa. Ke ka mokgwa wo re opelago.”—Mor.] Go lokile, ke a le botša, le—le šegofaditšwe ka nnete ka moopelo wo mobotse ka nnete.

<sup>5</sup> Ke rata moopelo wo mobotse. Ke no rata moopelo wo mobotse ka nnete. Ka mehla ke be ke fele ke re, ge ke fihla Legodimong ke nyaka go ya mo ba opelago, gomme ke theetše. Ga se ka kgona go hwetša go tlala ga ka ga go opela.

6 Le a tseba, go opela go fa tlhohleletšo. Le tseba seo, a ga le dire? Mašole, ge ba eya ntweng, le a tseba gore ba dira eng? Ba bapala mmino le go opela, le dilo tša go ba fa tlhohleletšo. Gomme ge re eya ntweng, re a opela, gomme—gomme o re fa tlhohleletšo go ya pele.

7 Ke a le leboga baisa ba bannyane ka mpho ye botse yela. Gomme ke . . . Mdi. Branham, go tšwa go Rebekah, le Joseph, le Sarah, le ka moka ga rena, re le leboga kudu. Ke mo go thata go bolela, mokgwa wa go botša bona baisa ba bannyane, “Aowa. Le bolokile dipene tša lena. Ga—ga ke nyake go e tšea.” Le tseba ka fao ke ikwelago, ga ke nyake go e tšea. Eupša go le bjalo ke lebeletše ka fa gomme ba bile le boleng bja ditolara tše lesome ka karateng ye. Ka gopola, “A nka kgona go tšea yeo?” Ka gopola, “Nka kgona go e dira bjang?”

8 Eupša ke elelwa setori se sennyane ke nyakago le se tseba. Letsatši le letee fao go be go le mosadi wa mohlologadi, o be a na le sehlopha sa bana, mohlomongwe ba gagwe. . . tatago bona bana ba bannyane o be a ile. Gomme o be a na le dipene tše pedi feela. Gomme a tla go theoga seterata, nako ye tee. . . Gomme e be e le tšhelete ya karolo ya lesome, e no ba dipene go no swana le ka moo ka moka le di bolokilego, gomme a e lahlela ka sekhwameng sa Modimo. Jesu o be a eme fao, a mmogetše. Gomme ke be ke makala, “Nkabe ke dirile eng ge nkabe ke be ke eme fao?” Go molaleng nkabe ke kitimetše godimo gomme ka re, “Aowa, aowa, kgaetšedi, o se ke wa dira seo. Ga—ga re, ka nnete ga re e hloke. O e hlokela bona bana.” Le a bona? Bjale, nkabe ke se ka mo dumelela go e dira. Eupša Jesu o mo dumeletše go e dira. Le a bona, O mo dumeletše go e dira. Ka baka la eng? O a tseba gore go šegofadišwe kudu go fa go fetiša go amogela. O be a tseba se A bego a tla mo direla sona, le a bona.

Ka fao ke a le leboga baisa ba bannyane, ka pelo ya ka ka moka.

9 Ke nyaka go leboga yo mongwe le yo mongwe yo motee wa lena, ka nako ye kaone ye ya kopanelo, Ngwanešu Leo le Gene. Ye gabotse e bile matsatši a mararo a go rapela, go nna. Le ntle ka sekgweng, ge ke leka go itlogela ka bonna ke ye le go nagana gore ke be ke tsoma, ka tsela ye nngwe go ye nngwe, ke a le lebelela gomme ka le kwa le bolela. Ke bile le monyetla ka morago ga sekgalela se go etela magae a lena. Ga se kake ka bona, ke sepetše ka go e ka ba lefe, ge ya go e bitša motse, wo nkilego ka bona a mantši a go hlweka, magae a go hlweka le batho, le tlhompho ye ntši go Kriste le Ebangedi. Ga—ga se kake ka e bona felo. Gomme ka nnete le thomile ka tseleng ya maleba, e nong go tšwela pele le eya gomme Modimo o tla ba le lena. Gomme ke swanetše go bona ba bangwe ba lena. Ke bone, letsatši le lengwe, bokgaetšedi ba, ga se kake le bile ke ba tseba, ka gore ka moka ke bego ke kgona go se bona e be e ka no ba ka mahlo a bona le nko, ka ntle go tšwa ka tlase ga kefa tšela. Gomme bjale ke a

dumela ke le tseba bokaonekaone, ka mabobo a Ngwanešu Leo le Gene, ba ba ntšerego go dikologa le go etela magae a lena; le go ba le go šišinya diatla le—le bana ba bannyane, baporofeta le baporofetagadi ba lebaka le le tlogo, ge eba go na le lebaka le le tlogo.

<sup>10</sup> Le a tseba, Jesu o rata bana ba bannyane. Le a tseba, O a dira. Gomme fao go be go le mošemane yo monnyane, nako ye tee, a bitšwa Moshe, re ya go bolela ka yena feela lebaka le lennyane gannyane. Gomme e be e le yo mokaone kudu . . . Le tseba se se mo dirilego, se thušitšego go mo dira mošemane yo mokaone? O bile le mme yo mokaone go mo godiša. Le a bona, seo ke sona. O mo rutila ka Morena. Gomme lena bašemane ba bannyane le basetsana le na le mohuta wo o swanago wa bomme go le godiša, go le ruta ka Morena. E nong go ba eleng šedi.

<sup>11</sup> Le a tseba ke eng, le tseba se Molao wa pele o lego sona ka Beibeleng, Molao wa pele o nago le tshepišo, o nago le tshepišo? Go ka no ba bothata go lena go kwešiša Melao ye. Molao wa pele, ke, “Go se be le modimo yo mongwe gape eupša Yena.” Eupša Molao wo mogolo . . . Gomme Molao wa pele wo o nago le tshepišo go wona, le a bona, ke go bana. A le be le tseba seo? Le a bona, O rile, “Bana, obamelang batswadi ba lena, se se ka telefatša matšatši godimo ga lefase, ao Morena Modimo wa lena a le filego.” Go ela batswadi šedi le go dira se le se dirago, se ka go fa bophelo bjo boteleletelele godimo ga lefase, bjo Morena a go filego, nako ya go oketšega go Mo direla.

<sup>12</sup> Ke a holofela, lehono, gore ke lebeletše sehlopha sa bareri le baopedi le baebangedi ba letšatši le le tlogo, ge eba go na le letšatši ka morago ga la rena.

<sup>13</sup> Gomme fao go na le selo se tee feela godimo mo, o—o bolaya moisa ka boleta. Ke a ja go fihla ke sa kgone go ja, gomme ga—gomme ga se kake ka boboelwa kudu ka mokgwa wo. Ge nkabe ke be ke le Morongwa, ke rothile go tšwa Legodimo, ke be nka se kgone go boboelwa bokaonekaone bjo bo itšego. Selo se nnoši nka kgonago go se bolela go lena, ke, “Ke a le leboga.” Gomme ge le le tlase tseleng ya Tucson, nka no se kgone go le swara bokaoene bjoo, ka gore ga ke tsebe gore bjang; ga ke na le mekgwa ya go e dira, eupša ke tla dira bokaonekaone kudu ke bo kgonago. Etlang tlase.

<sup>14</sup> Ngwanešu le Kgaetšedi Shantz, ke nyaka ka nnete go ba leboga. Gomme ke bile le monyetla wa go kopana le wa lena yo mobotsana, morwedi yo moswa, le morwa, ka morago ga sekgalela se. Gomme—gomme go re dumelela go ba le legae la gagwe le mo le bulegetše thapelo. Fao go bile dilo tše bjalo di direga ka matšatšing a Beibele, le a tseba, gore Ebangedi e be . . . ke a tseba e kwagala e le ye nnyane kudu. Re, re ka gopola gore ga se yona. Eupša se se no swana le ge Modimo . . . go Modimo, le bjalo ka ge bona ba be ba le ka letšatšing lela.

15 Ellelwang, ge fao go ka ba le mengwaga ye mengwe ye mentši, ba tla lebelela morago mo gomme ba re, “Ge nkabe ke ile ka no phela ka matšatšing godimo kua ka Prescott! Ge nkabe ke ile ka no phela. . .” Le a bona? Bjale re phela ka letšatšing leo. Le a bona? Ka gona re tla tlase go ya mafelelong a tsela, ka gona re leta moputso wa rena ka Letšatšing le legolo.

16 Bjale re ya go bula Lentšu la Modimo le go bala. Eupša feela pele re dira, a re boleleng le Yena nakwana feela.

17 Morategi Jesu, ga ke kgone go hlagiša a ka—a ka maikutlo le tebogo go Ngwanešu Mercier, Ngwanešu Goad, le ka moka batho ba bakaone ba le bana ba bona ba bannyane, gore ba re laeditše boleta bjang ge e sa le re eba mo. Boleta bo ka godimo ga se sengwe le se sengwe se re se letetšego. Gomme re a tseba gore ba be ba ratega le go ba bose. Eupša ga se ra tseba gore re tla boboelwa ka tsela ye bjalo ya segoši ya nnete. Gomme, Morena, ke a rapela gore Bogona bja Gago ka mehla bo tla ba ka kampeng ye ya batho, Moya wo Mokgethwa o tla tlatša pelo ye nngwe le ye nngwe mo, gomme O tla ba fa Bophelo bjo Bosafelego. Gomme a nke re, ge re ipshina lehono, a nke fao go be Letšatši le le sa felega la ge re tla kopana ka Bogoneng bja Yena Yo re mo rapelago le go mo rata, le go mo fa ka moka tumišo bakeng sa dilo tše. Go fihla ka nako yeo, Morena, re boloke re botega go Yena le go Lentšu la Gagwe. Leineng la Jesu re a rapela. Amene.

18 Bjale, ke bile le lena botelele mosong wo, ke tla leka le go e dira ka pela ka nnete morago ga sekgalela se, le go bolela ka tsela ye e tla bago gore baisesa ba bannyane, le ba bagologolo ba tla kwešiša, le bona.

19 Ke nyaka go bala le—le Lengwalo mo, le hwetšwa ka go Puku ya Mokgethwa Mareka, gomme ke nyaka go bala go tloga go ya 17 temana ya ya 10 tema ya Mokgethwa Mareka, karolo.

*Gomme ge a ile pele ka tseleng, fao gwa tla yo motee a kitima, gomme a khunama fase gomme a mmotšiša, a re, Mong yo Botse, ke tla dira eng gore ke rue bophelo bjo bosafelego?*

*Gomme Jesu o re go yena, Ka baka la eng o mpitša yo botse? fao ga go yo botse eupša yo motee, gomme yoo ke, Modimo.*

*O tseba melao, O se ke wa dira bootswa, O se ke wa bolaya, O se ke wa utswa, O se ke wa bea bohlatse bja maaka, O se ke wa ja ka bofora, Hlompha tatago le mmago.*

*Gomme a araba gomme a re go yena, Mong, ka moka tše ke di dirile, obametše, hlokometše (ke ra gore) go tloga bosweng bja ka.*

*Ka gona Jesu ge a mo lebeletše a mo rata, moisa yo moswa yo; gomme a re go yena, Setee selo o a se*

*hlaelelwa: eya ka tsela ya gago, rekiša eng kapa eng ye o nago le yona, gomme o fe badiidi, gomme o tla ba le mahumo legodimong: gomme tlaa, tšea sefapano sa gago, gomme o ntatele.*

*Gomme o ile a nyama ka polelo ye, gomme a tloga a kgopišegile: ka gore o be a na le dithoto tše kgolo.*

<sup>20</sup> Bjale go bana, le go ba bagolo le go ka moka, ke nyaka go dira Molaetša wo monnyane feela ka nako ka mo nka kgonago, le ka pela ka mo nka kgonago. Gomme ke nyaka go tšea bakeng sa hlogotaba, “Ntatele,” gomme ke nyaka go tšea bakeng sa thuto: *Boetapele*. Go latela, gomme yo mongwe o eta pele; *Boetapele*, gomme “Ntatele.” Ba baswa, batho, ba . . .

<sup>21</sup> Elelwang gore, kgato ya mathomo yeo yo mongwe le yo mongwe wa rena a kilego a e dira, yo mongwe o re etile pele. Lena bomme le elelwa dikgato tša mathomo tšeo monyane le mosetsana yo monnyane ba di dirilego, gomme ga ba sa e elelwa gape. Eupša yo mongwe o go etile pele go ya go kgato ya gago ya mathomo. Ke elelwa Billy Paul ge a dira kgato ya gagwe ya mathomo, Joseph le ka moka ga bona, ge ba dira kgato ya bona ya mathomo.

<sup>22</sup> Ka mehla ke mme yo a etellago ngwana pele go kgato ya lona ya mathomo, ka gore o gae ge tate a le ntle a šoma, a leka go dira bophelo. Eupša, ke, ba dira kgato ya bona ya mathomo. Gomme nako ya bošego ge ba etla ka gare, tate, ka mehla o a bolela. “Oo, tate,” o rile, “Johnny le Mary,” mošemane yo monnyane goba mosetsana, “o kgonna go sepela! Tlaa o lebelele!” Gomme kgato e tee feela, mohlomongwe mme o swanetše go mo swara; o swanetše go swara monwana wa mme, ka baka la gore o be a le mohuta wa go fokola, le mohuta wa go retologela ka mathoko, o a tseba, gomme o wela fase gannyane. Ka fao o be o swanelwa ke go swara seatla sa mme, go dira kgato ya gago ya mathomo.

<sup>23</sup> Bjale, yo mongwe o go thušitše, ge o be o dira kgato ya gago ya mathomo. Gomme ya gago—ya gago ya mafelelo kgato o ka tsogego wa e dira ka bophelong, yo mongwe o tla be a go etelletše pele. Le a bona, yeo ke therešo. Ke go nyaka o elelwa seo. Kgato ya gago ya mathomo, yo mongwe o go etelletše pele. Gomme kgato ya gago ya mafelelo, yo mongwe o tla be a go etelletše pele.

<sup>24</sup> Re swanetše go etellwa pele. Le a tseba, Modimo o re swantšha le dinku. Gomme a le be le tseba gore nku e ka se kgone go iketella pele ka boyona? O tla tsekellela kgole le go timela kgole, gomme e—e no se kgone go iketella pele ka boyona. Gomme o swanetše go ba le yo mongwe go mo etella pele. Gomme nako ye nngwe . . . Modiši o swanetše go etella dinku pele. Bjale e be e le morago ka matšatšing a Morena Jesu, O be a le Modiši yo mobotse yo a bego a etella dinku pele.

<sup>25</sup> Eupša lehono, le a bona, re phela ka letšatšing le lengwe, se sengwe le se sengwe se fetoišitšwe le go fapošwa. Le a tseba

gore ke monna mang o swanetšego go etella dinku pele lehono? Pudi. Gomme a le tseba mo pudi yeo e di etellego pele go ya gona? Thwi go ya tlabelong. Dinku tšona tše nnyane ga di tsebe mo di yago, ka fao pudi e ya godimo ga—ga lešakana, godimo tlabelong, gomme dinku ga di tsebe go no feta go latela moetapele, ka fao e di etella pele thwi godimo go ya ka bokagodimo tlabelong. Gomme pudi e tshela ka godimo mohlala, gomme nku e ya ka gare gomme e a bolawa. Le a bona, pudi, moetapele wa go fošagala.

<sup>26</sup> Eupša Jesu, Modiša yo botse Yo a etelletšego dinku pele, O di etelletše pele go ya Bophelong le go swara diatla tša tšona. Le a bona, eupša yo mongwe o swanetše go etella dinku pele.

<sup>27</sup> Wa mathomo ke boleta bja mme, ka gona lentšu la tate. Ka morago ga ge mme a go fa kgato ya mathomo, ka gona o lebelela go tatago, ka moka ga rena, bakeng sa bohlae, ka baka la gore ke hlogo ya ntlo. Gomme ka mehla o . . . E sego gore ke yo mokaonekaone yo a itšego, eupša o—o nno dirwa moetapele wa lapa la gagwe, ka fao re latela se tatago rena a bolelago gore re se dire. Ge a re, “Bjale, morwa, ke tla nyaka o dira se se itšego—se itšego selo,” ka gona re a mo theetša ka gore ke bohlae. Eupša theetšang, le a bona, o ithutile bontši bjohle gomme re swanetše go mmotšiša, go bona se a ithutilego sona, gomme ka gona re ka kgona go boelwa ka sa gagwe, se a ithutilego. O a re botša, “Bjale le se ke la ya gomme la dira se, ka gore ke dirile seo. Tate wa ka o mpoditše gore ke se ke ka se dira, eupša ke se dirile, gomme se hlotše se gore se direge go nna, se sengwe se sebe.” Ka fao, le a bona, re tla . . . Ka gona yena, tate, o re botša mokgwa wa go dira, le go dira eng gabotse.

<sup>28</sup> Ka gona ka morago ga ge mme a re etelletše pele, go fihla nako ye re swanetšego go hwetša bohlae bjo bonnyane, go kwešiša, go tšwa go tate, nako yeo re hwetša yo mongwe. Re hwetša moetapele yo mongwe, gomme yoo ke thitšhere, thitšhere ye botse ya sekolo. O leka go go ruta le go go fa thuto, go go tsenya ka go bophelo bjo bokaonekaone, bakeng sa lefelo, lemong leo o kgonago—o kgonago go bala Beibele le go kgona go bala dipina, le go kgona go ithuta ka Modimo le go bala, ka bowena, le a bona. Gomme ka gona, selo se sengwe, mohlomongwe o tla ba le kgwebo, gomme yo mongwe o go ngwalela lengwalo, mme, tate, yo mongwe o go ngwalela lengwalo, ga o kgone go le bala. Le a bona? Ka fao thitšhere, o na le wena nako yeo, gomme o go etella pele go—go—go ithuta go ngwala le go bala. Gomme ke selo se sebotse, thitšhere ye botse, go go ruta gabotse. Eupša bjale ka morago ga ge o tlogetše yoo, o, ka morago ga ge o tlogetše thitšhere, thitšhere e tee ka morago ga ye nngwe ye tee, go tloga go phoraemari ye nnyane, kereiti ya mathomo ye nnyane, go ya pele go fihla o fihla ka ntle ga sekolo sa go phagama goba o eya kholetšheng. Ka gona ge o tloga kholetšheng, gomme ka gona thitšhere e feditše go go etella pele. Le a bona?

<sup>29</sup> Bjale, mme o go rutile go sepela, le a bona. Papa o go rutile go ba monna yo moswa yo bohla le yo mokaone, le ka mo o ka itlhokomelago ka bowena le go itshwara ka bowena. Thitšhere e go rutile thuto, mokgwa wa go bala le go ngwala. Eupša bjale o tlogela papa, o tlogela mme, gomme o tlogela thitšhere, bjale yo mongwe o swanetše go go tšea go tloga mo go ya pele. Bjale o nyaka mang a go tšea go tloga mo go ya pele? [Ngwana o re, “Jesu.”—Mor.] Yeo ke therešo. Jesu, go go tšea go tloga moo go ya pele. Bjale, yeo ke karabo ye botse, ye kaone kudu. Jesu o go tšea go tloga moo go ya pele.

<sup>30</sup> Bjale le bona moisa yo moswa yo re bolelago ka yena, o bitšwa mmušī yo moswa wa mohumi. Bjale, moisa yo, o ile a hlahliwa botse gabotse. Bjale, mmagwe o mo rutile go sepela. Gomme, le a bona, o be a sa le monna yo moswa go le bjalo, mohlomongwe a sa tšwa ka sekolong sa go phagama, gomme e le monna yo moswa wa go tsebega kudu. Gomme ka go hlahliwa gabotse, mohlomongwe o be a sepela ka go nepagala, le go ya pele, ka fao mmagwe a mo rutilego.

<sup>31</sup> Gomme o be a le wa—wa go atlega monna yo moswa, le yena, ka gore, lebelelang, o be a šetše a humile. Gomme o be a no ba yo—yo moswa monna, mohlomongwe lesomeseswai la mengwaga ka bokgale, a sa no tšwa sekolong sa go phagama, gomme o be a humile. Bjale, le a bona, o bile le mohuta wa mmakgonthe wa thitšhere go mo ruta go sepela gabotse. Gomme o bile le mohuta wo mmakgonthe wa thitšhere, tatagwe; go fihla le bile le ge e sa le monna yo moswa gomme o be—o be a humile ka tšhelete, o be a mo diretše tšhelete ye ntši. A ka no be a le ka nnete . . . O be a le mmušī, le ka mengwaga yeo, a atlegile kudu. Le a bona? Gomme bjale o bile le—le thitšhere ye e mo rutilego, o mo rutile selo sa maleba, ka fao a bego a tla ba ka gona. O bile le thuto ya gagwe.

<sup>32</sup> Gomme ka gona thitšhere ye nngwe ye monna yo moswa yo a bilego le yona, yeo go yago le gore o godišetšwe bjang, eupša monna yo moswa yo o bile le thuto ya bodumedi ka gabo.

<sup>33</sup> Bjale, bana ba bangwe, a le be le tseba gore fao go bana ba bantši ba bannyane ba ba se nago thuto ye e itšego ya bodumedi ka gae? Tatabo le mmabo ga ba dumele go Modimo. Gomme tatabo le mmabo, ba a nwa, ba a kgoga, ba a lwa, gomme ba kitima ka ntle, yo motee go yo mongwe, bošego, le dilo, gomme ga ba apeela mošemane le mosetsana yo monnyane wa bona dilallo, le dilo. A ga se wa thaba gore o na le wa nnete wa Mokriste tate le mme? Bjale, ge o na le bana, a ga o nyake go ba mohuta wo o swanago wa tate le mme go swana le ka fao tate le mme ba lego? Le a bona? Bjale, eupša seo ka moka ke se sebotse.

<sup>34</sup> Bjale, monna yo moswa yo o bile, gomme o bile le thuto ya bodumedi. Le a bona, seo se be se le kgole ka godimo ga seo ba bangwe ba bona ba bilego le sona, ka gore ga ba na le



thuto ya bodumedi. Eupša monna yo moswa yo o bile le thuto ya bodumedi, ka gore, le a bona, ka gore o rile o bolokile Melao go tloga a sa le mošemane.

<sup>35</sup> Bjale lena ka moka le bile le mathitšhere a mabotse a bodumedi, le lena, yo mongwe le yo mongwe yo motee wa lena. Gomme lena basetsana le bašemane ba bannyane ba mahlalagading, lena ka moka le bile le mathitšhere a mabotse, tatago le mmago mo ka kampeng ye, ba na le se sengwe le se sengwe seo o . . . kgonagalo ye nngwe le ye nngwe ye o e tsebago, yeo e kgonegago, go wena go dira monna le mosadi yo mobotse ka nnete, mohlanka wa Modimo.

<sup>36</sup> Ka gore, elelwa, o ya go hwa letšatši le lengwe, goba o fetolelwa go ya Legodimong. Gomme ge o ka hwa pele ga go Tla ga Gagwe, o tla hlatlošwa pele. A o be o tseba seo? A le be le tseba gore ba ba hwilego. . . Ge mme le papa ba ehwa pele o dira, gomme Jesu a se tle ka lelokong la rena, a o a tseba gore ba, papa le mme, ba tla pele pele, ba tagafaditšwe, pele ga gago? Le a bona? Phalafala ya Modimo e tla lla, gomme ba hwetšego go Kriste ba tla tsoga pele, gomme ka gona rena ba re phelago gomme re šetše re tla tšeelwa godimo le bona. Re tla fetolwa ka mokgwa woo. Re swanetše go elelwa, seo ke selo sonasona ka bophelong. Le a kwešiša bjale? Ke sonasona selo ka bophelong, re swanetšego go se dira, ke go lokela go gahlanetša Modimo.

<sup>37</sup> Bjale, bodumedi feela bo ka se šome. Le a bona, mmušī yo moswa yo motee wo mo, o rile, “Mong yo Botse. . .” Bjale elelwang, pele ke e bolela. O ile a rutwa go sepela gabotse. O bile le thuto ye botse. O be a rutilwe kgwebo. Gomme o be a humile, gomme a le mmušī, gomme a na le bodumedi. Eupša o be a lebane serokaphatla le bothata bjo bongwe, gomme bo lebantše rena ka moka serokaphatla, Bophelo bjo Bosafelego. Bodumedi ga bo re fe Bophelo bjo Bosafelego. Bodumedi, ke seapešo, eupša ga bo re fe Bophelo bjo Bosafelego. Gomme go le bjalo, yena a rutilwe ke mathitšhere a makaonekaone kudu ao a bego a le gona, o be le ge go le bjalo a hlaelela selo se sengwe. Gomme monna yo moswa o be a e tseba, ka gore o rile, “Mong yo Botse, nka kgona go dira eng gore ke rue Bophelo bjo Bosafelego?”

<sup>38</sup> Bjale, le, le a dumela gore Jesu ke Modimo, a ga le dire? Ka fao O be a tseba megopolo ya monna yo moswa, ka fao A re, “Boloka Melao.” O ile morago thwi go bodumedi bja gagwe, go bona se a bego a tla se bolela ka bodumedi bja gagwe. O rile bjale, ka mantšu a mangwe, “Boloka bodumedi bja gago.”

<sup>39</sup> O rile, “Ke dirile se, go tloga bošemaneng,” bašemane ba bannyane bjalo ka lena. “Mme le papa wa ka, le moprista wa ka, ba nthutile bodumedi. Eupša ke a tseba, ka bodumeding bja ka, gore le ge go le bjalo ga ke na le Bophelo bjo Bosafelego.” Le a bona?

40 O ka kgona go ba yo mobotse. O se ke wa utswa. O se ke wa kgoga. O se ke wa bolela maaka. O se ke wa fora papa le mme. O se ke wa bolela maaka a mathomo, ka gore, yo motee o bolela a matee, ka gona go bonolo go bolela a mangwe a matee, le a bona. Eupša o se ke wa dira seo. O se ke wa bolela a matee a mathomo.

41 A o be o tseba gore mmele wa gago ga se wa direlwa go bolela maaka? Le a tseba, ba na lee sedirišwa bjale, a—a mo megalatšhikeng ya gago. Ba kgona go bea lepanta le lennyane go rarela letsogo la gago *mo*, gomme ba bea le letee go kgabaganya hlogo ya gago, gomme o ka kgona go bolela fao, a re re o re, “Ke—ke—ke boletše maaka ka seo, eupša nka kgona go a bolela ga bonolo gore ba—ba tla dumela gore ke e botša therešo.” Gomme o ka kgona go re . . .

42 Ba tla re, “A o be o le lefelong le le itšego, go swana le gore a o ile wa dula ka mola lephakaneng la Ngwanešu Shantz, ge Ngwanešu Branham a be a rera, Lamorena ka morago ga sekgalela ka letšatši le?”

Gomme o re, “Aowa, mohlomphegi. Ga se kake ka dula kua. Aowa, mohlomphegi.”

43 Le a tseba gore sebona maaka seo se tla reng? “Eye, mohlomphegi, o dirile. Eye, mohlomphegi, o dirile.”

O re, “Ga se ka dira.”

Se tla re, “Eye, o dirile.”

44 Ka baka la eng? Ka gore maaka ke selo sa go befa kudu. Mmele ga se wa ke wa direlwa go bolela maaka. Gomme ke selo sa go befa kudu, go fihla a nyamiša tšhepedišo yohle ya megalatšhika, ge o bolela maaka. Wee! Go nyamiša go swana le fao, go tla go fa alsa, sehloga sa mmota, gomme a tla go bolaya. Gomme ka gona maaka ke selo se sebe, ka gore, la a bona, ga wa swanela go bolela maaka, go utswa, go dira se sengwe sa dilo tšeo.

45 Bjale, ka fao monna yo moswa go molaleng o be . . . o be a sa bolele maaka, ga se a ke a utswa, gomme o be a na le letswalo go re o be a nyaka ka mehla, Bophelo bjo Bosafelego. Ka fao o rile, “Nka kgona ke dire eng go ba le Bjona?”

46 Gomme Jesu o a laetša mo bjale gore bodumedi bo ka se e dire. Ka fao O rometše morago go yena, gomme a re, “Boloka Melao.”

47 O rile, “Mong, ke dirile se go tloga ke sa le mošemane yo monnyane, goba yo monnyane, ge ke sa le serathana se sennyane ke dirile se.” Eupša o be a tseba gore o be a se na le Bophelo bjo Bosafelego. Ka fao nako yeo A re, “Ge o tla tsena ka Bophelong, Bophelo bjo Bosafelego, o nyaka go phethagala, gona eya o rekiše tše . . .”

48 Le a bona, bjale, ka moka go lokile go ba le tšhelete. Le a bona, ka moka go lokile go ba le tšhelete, go huma. Gomme go ba mmuši, seo ka moka se gabotse. Eupša ke—ke ka tsela ye o dirago ka morago ga go ba seo, le a bona.

49 A re, “Eya o rekiše se o nago naso, gomme o se fe badiidi, bona batho ba ba se nago selo; ka gona o tle, o Ntatele, gomme o tla ba le mahumo Legodimong.” Eupša monna yo moswa o be a na le tšhelete ye ntši kudu go fihla a be a sa tsebe gore o be a ka dira eng ka yona. Bjale, le a bona, o be a tumile kudu, monna yo moswa o be a le.

50 Gomme o—o—o be a hlamišeditšwe bophelo, ka tsela ye tatagwe le mmagwe, le baprista le ka moka ga bona, ba bego ba mo hlamišitše, le ge go le bjalo o be a tseba gore o be a hlaelela se sengwe. Bjale ke bolela le ba bagolo. O, o be a tseba gore o be a hlaelela se sengwe, gomme o be a se na le Bophelo bjo Bosafelego. O be a e tseba. Le a bona?

51 Bodumedi bo ka se tšweletše Bophelo bjo Bosafelego. Dibopego, maikutlo, o ikwela se sengwe; o—o ka tšhošwa, le go ikwela se sengwe. Le a bona? Go lla, seo ke se sebotse; go goeela, seo ke se sebotse; eupša seo go le bjalo ga se Bjona, le a bona. O lebane serokaphatla le Bophelo bjo Bosafelego.

52 O re, “Go lokile, ke bile Mobaptist wa konokono, goba Momethodist, goba Mopresbyterian, goba Mopentecostal.” Yeo go le bjalo ga se potšišo.

53 Monna yo moswa yo o be a le, le yena, o be a rutilwe ka bodumedi bja letšatši, eupša go le bjalo o be a se na le Bophelo bjo Bosafelego, ka fao o be a nyaka go tseba se a ka se dirago. O ile a hlahlwela ka katlego, go Bjo. Eupša ge o lebane serokaphatla le Bjona, o ile a gana go hlahlwela go ya Bophelong bjo Bosafelego, goba go etelwa pele. Baetapele ba bangwe ba gagwe ba bile le go swara godimo ga gagwe go fihla a sa nyake go e loba. Le a bona?

54 Bjale, seo se swana le se Ngwanešu Branham a se bolelago. Se ya go tiba kudu gannyane go wena, le a bona.

55 Thuto e lokile, le swanetše go ya sekolong go ithuta. Le a bona, yeo ke ye botse, eupša e ka se go phološe. Go ba le tšhelete ye ntši, seo ke se sebotse, o tla kgona go godiša bana ba gago, wa ba fa diaparo tše botse le dilo. Gomme go swana le papa le mme ba le šometše ka moka, le dilo. Seo ke se sebotse, eupša seo le ge go le bjalo se ka se go phološe. Le a bona? Goba, o ka kgona go tsena ka laporathori gomme wa ithuta go bea dilo tša go fapana mmogo, goba go phatlola athomo, goba eng kapa eng ba e dirago, le—le go tsena ka go—go rokete le—le go ya ngwedding, eupša seo se ka se go phološe.

56 Le swanetše go lebana le selo se setee, Bophelo bjo Bosafelego, gomme fao go na le Motho yo motee feela Yo a ka kgonago go fa Bjo go wena. Mme a ka se kgone go go fa Bjona. Papa a ka se kgone go go fa Bjona. Modiša wa lena a ka se kgone

go go fa Bjona. Moetapele wa lena mo ga a kgone go go fa Bjona. Yo mongwe le yo mongwe yo a hwetšago Bophelo bjo Bosafelego o swanetše go tla go Jesu Kriste. Ke Yena yo Motee a nnoši Yo a ka kgonago go fa karolo Yeo.

57 Thitšhere ya gago a ka kgona go go fa thuto, a ka kgona go go ruta; o swanetše go ithuta yona. Wa gago—wa gago mme a ka kgona go go ruta go sepela; o swanetše go ithuta go sepela. Tatago a ka kgona go go ruta gore o ka ba bjang rakgwebo, goba eng; o swanetše go ithuta seo. Eupša Jesu feela a ka kgona go go fa Bophelo bjo Bosafelego. Le a bona?

58 Mopritsa wa gago, moetapele wa gago, goba le go ya pele, a ka kgona go go ruta bodumedi bja gago, o ka kgona go ithuta Molaetša wo re lekago go o ruta, eupša go le bjalo seo se ka se go fe Bophelo bjo Bosafelego. O swanetše go amogela Motho, Jesu Kriste. Le kwešiša seo, ka moka ga lena? Le swanetše go amogela Motho, Jesu Kriste, go ba le Bophelo bjo Bosafelego. Bjale, eupša dinako tše dingwe boetapele bjo bongwe bo ba le khuetšo ye ntši go rena go fihla re sa tsebe gore re dire eng ge yeo—yeo nako e etla.

59 Bjale, ke selo sa go fošagala kudu go gana bohlahli go ya Bophelo bjo Bosafelego, ka gore, le a bona, bjoo ke Bophelo bjo bo ka se tsogego bo kgonne go fela. Bjale, thuto, yeo ke ye kaone, yeo e tla re thuša mo. Kgwebo, yeo ke ye kaone. Tšhelete, yeo ke ye kaone. E ba mošemane yo mobotse le mosetsana, yeo e gabotse. Eupša, le a bona, ge bophelo bo fedile mo, seo ke ka moka. Le a kwešiša? Lena ba bagolo le a kwešiša? [Phuthego e re, “Amene.”—Mor.] Le a bona, seo ke ka moka. Eupša ka gona re swanetše go amogela Jesu Kriste, bakeng sa Bophelo bjo Bosafelego. Jesu a nnoši a ka kgona go le etella pele go ya go Bjoo.

60 Gomme le ge go le bjalo, le a bona, monna yo moswa o be a kgonne ka moka dilo tše ka sekolong, le ka batswadi ba gagwe le se sengwe le se sengwe, o—o lobile selo se segologolo kudu se a ka bego a kgonne go ba le sona, boetapele bja Moya wo Mokgethwa, ka gore Jesu o rile, “Etna, Ntatele.”

61 Gomme lena basetsana bao le sa tšwago go ya ka ntle ga sekolo, le a aloga go molaleng, ba bangwe ba lena, gabotse ka pela, le lena bašemane ba baswa; boetapele bjo bogologolo kudu bo lego fao ke Jesu Kriste, ka gore bjoo ke Boetapele go ya Bophelong bjo Bosafelego. Bjale, Boetapele bjo bo lebantše serokaphatla le motho yo mongwe le yo mongwe, ba filwe sebakabotse go kgetha.

62 Gomme seo ke setee sa selo se segolo re nago le sona bophelong, ke go kgetha. Letšatši le lengwe. . . Le a tseba, papa le mme, ba kgethile go ba le mošemane yo monnyane yo mobotse le mosetsana, go swana le lena—lena ka moka le bona.

63 Ka gona, le—le na le tokelo, ka morago ga lebakana, go kgetha ge eba le nyaka go ithuta go tšwa go thitšhere, goba aowa. Thitšhere a ka kgona go go ruta, eupša o ka no ba mo—mošemane yo mobe yo monnyane, wa no se ithute; yo monnyane, yo mobe mosetsana, wa go se theetše le gatee. Le a bona, o—o na le kgetho go dira seo, le ge go le bjalo o yo monnyane.

Gomme mme o re, “A o hweditše di A godimo ga karata ya gago ya repote?”

“Aowa, ke hweditše tša fase kudu.” Le a bona, bjale o ka kgona . . .

64 Mme o re, “Bjale o swanetše go ithuta.” Gomme ka gona o swanetše go dira seo nako yeo, o tšwele pele go ithuta bjalo ka ge mme a go boditše, bjalo ka ge tate a go boditše. Le a bona, o swanetše go ithuta.

65 Eupša o na le kgetho, o ka kgona go e dira goba go se e dire. O ka kgona gore, “Ga ke nyake go dira.” Le a bona, o na le kgetho.

66 Ka morago ga lebaka, o tla ba le kgetho ya gore ke mosetsana ofe o yago go mo nyala, ke mošemane ofe o yago go mo nyala.

67 O na le kgetho mo gohle ka bophelong. Gomme ka gona o na le kgetho, gape, ge eba o rata go phela ka morago ga bophelo bjo; goba go no ba yo mobotse, motho wa go tuma, goba naletšana ya dimobi, goba sebini, goba se sengwe gape.

68 Gomme lebelelang basetsana ba bannyane ba ka lentšu lela le le botse, nakwana ya go feta, ba bego ba opela. Ngwana yola o ile a swanelwa ke go lema lentšu lela, gomme o be a le seopedi sa ophera, goba seopedi se sengwe. Ke kwa mantšu a bašemane ba bannyane ba, bašemane ba, le ka kgona go ba bjalo ka Elvis Presley, la rekiša tokelo ya lena ya tswalo. Le a bona, ga le nyake seo. Le a bona, ke talente ye Modimo a le filego yona, gomme le swanetše go kgetha yoo, mo le yago go šomiša talente yeo, go Modimo, goba ge eba le ya go e šomišetša diabololo. Le a bona?

69 Ngwanešu Leo mo, ngwanabo lena, le bona, bjale o bile le talente, go tla go etella batho pele. Bjale o ya go dira eng ka yona? A o ya ka kgwebong le go itira ka boyena radimilone; goba o swanetše go tla ntle mo gomme a dire legae moo batho ba ba nyakang go tla mmogo le go hwetša ka moka lena bana ba bannyane? Le a bona, le swanetše go kgetha se le yago go se dira.

70 Yo mongwe le yo mongwe yo motee wa rena o swanetše go dira kgetho. Gomme e lebantše rena serokaphatla. Eupša ka moka re lebantšwe serokaphatla ka selo se setee se: “Re ya go dira eng ka Bophelo bjo Bosafelego? Re ya go phela ka morago ga fa, goba aowa?” Gona re swanetše go tla go Jesu, go hwetša Bjoo. Sebakabotse sa go kgetha, ke selo se setee se Modimo a re filego sona. Ga a gapeletše selo go rena. O no re dira gore re dire kgetho ya rena beng. Ka fao ga la swanela go gapeletšwa, eupša e nong go dira kgetho ya lena beng.

71 Bjale a re nong go latela se, ba bagolo le ka moka bjale, metsotso e se mekae, le bana, ka moka mmogo. A re lateleng monna yo moswa yo, le kgetho ye a e dirilego, gomme re bone mo e etelletšego pele go ya gona.

72 Bjale, basetsana ba le mantšu a mabotse ale, bašemane ba baswa ba. Bjale mohlomongwe o tla godimo gomme o ba le lentšu go opela. Bjale e no tšea selo se setee sela, o ka kgona, nna, o ka no se tšea letšatši le lengwe, “Ke . . .”

73 Le tseba mošemane yo a bitšwago Elvis Presley? Le kwele ditheipi tša ka. Le kwele ka fao ke sa nyenyefatšego mošemane, eupša mošemane yola o bile le sebakabotse se ka moka le nago naso. Le a bona, gomme se a . . . O hweditše gore o be a kgona go opela. Gomme hlokomelang se a se dirilego, feela selo se se swanago se Judase a se dirilego, Judase Isikariote, o rekišitše Jesu. Jesu o file mošemane yola lentšu le lebotse. Gomme o dira eng? O retologa go dikologa gomme o le rekiša ntle go diabolo. Le a bona, o ile a swanela go tla mafelelong a tsela. Le a bona? O ganne go sepele le Jesu.

74 Bjale moisa yo moswa yo mo, mmuši yo moswa yo wa mohumi, o dirile selo se se swanago. A re lateleng gomme re bone se a se dirilego. Ntle le go kamaka, ka monna yo mogolo yo a bego a le yena, go molaleng e be e le monna yo moswa yo mobotse, moriri wo moswana o kametšwe fase ka thoko, dikobo tše botse. Bahumagadi ba baswa ba ile ba gopola, “Mošemane, yoh ke monna yo moswa yo mobotse!” Oo, ba be ba tla dira. Mohlomongwe o be a ba emišetša seatla, gomme ba be ba tla geremela morago le yena, le dilo.

75 Gomme o be a gopola gore o be a le moisa yo mogolo, motho, le a bona, ka baka la gore o be a le yo mobotse, o be a le yo moswa. O be a se a lebelela tlase kua mafelelong a tsela. O be a nno lebelela mo. “Ke nna yo moswa. Ke nna yo mobotse. Ke nna mohumi. Ke kgona go reka se sengwe le se sengwe ke nyakago go se reka. Nka kgona go tšea basetsana ba, le, bašemane, ka moka ba a nthata. Gomme ka moka ba tseba ke le monna yo mogolo.” Gomme, le a bona, o be a na le ka moka seo. O ile a latela ditaello tša tatagwe, le se sengwe le se sengwe. “Gomme ke nna wa bodumedi kudu. Ke ya kerekeng.” Gomme bjale a kgona go latela seo, le a bona; wa go tsebalega kudu, mohumi, motsebalegi. Gomme, gomme o . . .

76 Go no swana le lehono, go swana le ge o bile le sebakabotse go ba naletšana ya mobi, le a bona, goba se sengwe sa go swana le seo. Bontšintši kudu digotlane tše mpsha lehono, ge o bolela le bona, ba tseba go feta ka dinaletšana tše tša mobi go feta go tseba ka Jesu. Le a bona? Gomme, le a bona, lena—lena bana le ithuta ka Jesu. Mo ba dulago fase, gomme papadi ye nngwe e tla godimo go mobi, goba se sengwe gape, ba tseba dipapadi le ka moka fao, ka moka ka wona. Ba tseba ka moka seo bokaonekaone

go feta Yoo. O ba botša ka Beibele, ga ba tsebe selo ka Beibele. Le bona, ke go dira kgetho ya go fošagala. Bjale, seopedi se sengwe se rekiša talente sefiwa ke Modimo wa bona, go botsebalegi!

<sup>77</sup> Ka gona re mmona mafelelong a bophelo. A re mo lateleng gannyane kgolekgole. Le a tseba gore Beibele e reng ka moisa yo moswa yo? O ile a tla a atlega go feta. Ka fao, dinako tše dingwe katlego ga e re gore o dirile kgetho ya maleba. Le tseba se a se dirilego? O ile ntle gomme a ba le dinako ka moka tše kgolo, gomme a dira diphati tše kgolo, gomme a šomiša tšhelete ye ntši le se sengwe le se sengwe, le go basetsana le se sengwe le se sengwe. Gomme ka gona o ile a nyala gomme mohlomongwe o bile le lapa. Gomme—gomme o—o ile a no oketša go feta go fihla ge a ile a swanelwa ke go aga matlolo a maswa le dilo. Gomme o rile, “Le a bona, ga se ka latela Jesu, gomme bonang se ke nago naso!” Le a bona?

<sup>78</sup> Le ka no kwa motho a bolela gore, gomme ke na le, “Go lokile, lebelelang, O ntšhegofaditše.” Ga ba e re le gatee. Le a bona?

<sup>79</sup> Gomme ka morago ga lebakana matlolo a gagwe a be a kokomogile go fihla ebile a no re, ka baka la eng, ebile, “Soulo, tšea khutšo ya gago. Ke na le tšhelete ye ntši le katlego ye ntši! Gomme ke nna monna yo mogolo kudu! Ke nna wa ditlapano ka moka. Gomme ke na le mahumo a lefase ka diatleng tša ka. Ke mong wa dipalo tše kgolo tša naga le dipalo tša tšhelete, gomme, ka baka la eng, nna, fao yo mongwe le yo mongwe o a nthata, motho yo mokaone go ba.”

<sup>80</sup> Eupša le a tseba, Beibele e boletše gore, bošego bjoo, Modimo a re go yena, “Ke ya go nyaka soulo ya gago.”

<sup>81</sup> Ka gona go diregile eng? Bjale fao go be go le mkgopedi, Mokriste wa go diila wa go tšofala yo a bego a robetše fao kgorong ya gagwe. Gomme feela ge ba . . .

<sup>82</sup> Godimo ka Jerusalema, bogodimo kua, ba—ba ja godimo bogodimo ga ntlo. Gomme marathana a borotheo a wa ka mkgwa wo, gomme diripana tša nama, le go ya pele, di itia lebatso ge di wela go lona. Gomme ga ba di tope, ka gore se sengwe le se sengwe ka Jerusalema, toropokgolo ya kgale, ke—ke . . .

<sup>83</sup> A ka moka go lokile go bolela motlae o monnyane mo? Ke bo f-o-b. Le tseba gore seo ke eng? [Ka Seisimane: Flies on the bread, flies on the beef, flies on the butter f-o-b—Mohl.] Dintšhi godimo ga borotheo, dintšhi godimo ga nama, dintšhi godimo ga potoro, dintšhi godimo ga se sengwe le se sengwe. Di tšwela ntle ka seterateng, ka dikataseng le se sengwe le se sengwe, gomme di fofela ka gare gomme di ya thwi godimo ga bjona.

<sup>84</sup> Ka fao batho ba godimo kua, ba ya godimo ntlhoreng ya—ya moago. Gomme ba a ja, gomme ba uša se, gomme ka gona ba swiela seo go tloga. Gomme dimpša, ka seterateng, di ja marathana. Gomme o dirile Mokriste yo wa modiidi wa

mokgalabje go robala kua seterateng le go ja marathana ao a bego a ewa go tšwa porotong ya gagwe go tšwa mpeteng wa gagwe, goba go tšwa tafoleng ya gagwe.

<sup>85</sup> Gomme ka gona ge a tsena ka gare, ka morago ga lebakana, o bile le dintho, gomme o be a se na le selo go bea godimo ga dintho tša gagwe. Leina la gagwe e be e e le Latsaro. Gomme dimpša di be di etla gomme di latswa dintho tša gagwe gore a kgone go fola.

<sup>86</sup> Go lokile, le a tseba, ka morago ga lebakana, monna yo wa mohumi, ge, o bone gore o be a na le tšhelete go reka ka moka mehuta ya sehlare, ge a babja, o na le ka moka mehuta ya dingaka. Eupša, le a tseba, nako ye nngwe dingaka di ka se kgone go re thuša, dihlare di ka se re thuše, ga go selo se ka kgonago go re thuša; re mo kgaugelong ya Modimo. Gomme a tla tlase bofelong bja tsela ya gagwe; dingaka ga se tša kgona go mo thuša, gomme dinese ga se tša kgona go mo thuša, le dihlare ga se tša kgona go mo thuša, gomme a hwa. Gomme ka gona ge soulo ya gagwe e tlogela mmele wa gagwe, le a bona, e tlogetše ka moka tšhelete ya gagwe, ka moka thuto ya gagwe, se sengwe le se sengwe a bego a na le sona, ka moka botsebalegi bja gagwe. Ba mo file poloko ye kgolo kgolo, mohlomongwe ba ile ba lepeletša folaga seripa, gomme—gomme meyara wa toropokgolo a tla, gomme ba, gomme moreri a tla gomme—gomme a re, “Ngwana wa borena bjale o ile Letagong,” gomme ka moka ka mokgwa woo.

<sup>87</sup> Eupša Beibele e boletše, gore, “O emišeditše mahlo a gagwe godimo ka heleng, a le tlaišegong, gomme a lebelela kgole go kgabaganya legaga le legolo lela kua, gomme a bona mokgopedi yola a bego a robetše, kua ka mojakong wa gagwe, godimo ka Legodimong. Gomme a lla, ‘Romela Latsaro tlase mo le meetse a mannyane. Dikgabo tše di a tlaiša.’ A re, ‘Oo, aowa. O a bona, o tšere kgetho ya go fošagala ka bophelong.’”

<sup>88</sup> Le a bona, ge a etla bofelong bja tsela, go gatela ka ntle ga bophelo! O etelletšwe pele ke bodumedi. O etelletšwe pele ke thuto. O etelletšwe pele ke khuetšo ya ya gagwe—ya gagwe katlego. Eupša, le a bona, o be a se na le selo go swara seatla sa gagwe, dilo tšeo di felela fao. Le a kwešiša, baisa ba bannyane? Lena ba bagolo le a dira. Se ke . . . Le a bona, o be a se na le selo go mo swara. Tšhelete ya gagwe ga se e kgone go mo swara. Bagwera ba gagwe le dingaka ga se ba kgone go mo swara. Sehlare ga se se kgone go mo swara. Moprsta wa gagwe, bodumedi bja gagwe, ga se bo kgone go mo swara. Ka fao, fao go bile selo se setee go yena go se dira. O be a—o be a ganne go amogela Jesu, Bophelo bjo Bosafelego. Ka fao o ile a swanela go dira eng? Go nwelela fase go ya ka lehung, go ya ka heleng. A phošo ya lehu ye monna yo moswa a bilego nayo ge a ganne go sepelela kgauswi le Jesu, go etellwa pele ke Jesu. O ganne go e dira.



<sup>89</sup> Ka fao batho ba bantši ba baswa ba dira phošo yeo, lehono, ba gana go etellwa pele ke—ke Morena Jesu. Bjale re a bona ka fao e lego selo sa lehu go gana Bophelo bjo Bosafelego le go etellwa pele ke Jesu, Boetapele, ge A rile, “Etlang, Ntateleng.”

<sup>90</sup> Le bona se monna yo monnyane yo mobotse yo a se boletšego ka morago ga sekgalela se? Ge le etšwa ka sekolong, ge le eya go tloga, le nyaka moetapele yo mongwe, eupša a yoo e be Jesu. Gomme Jesu ke Beibele. A le dumela seo? Bjo ke Bophelo bja Jesu le Melao ya Gagwe go rena, ka sebopego sa letere. Ka fao re swanetše go lebelela ka go Ye, go bona. Ye ke mothalobolou. Ye ke mmepe wo A re boditšego gore re o latele, go—go thoma Bophelo bjo Bosafelego.

Bjale re a hwetša gore monna yo moswa yo o ile a lahlega.

<sup>91</sup> Bjale a re tšeing yo mongwe. Le nyaka go, a le ka ba le nako go tšea mmuši yo mongwe yo moswa wa go huma, yo a dirilego mosepelo wa maleba? A le ka rata go kwa seo? Ka moka gabotse, re tla e leka bjale. Bjale a re tšeing mmuši yo mongwe yo moswa wa go huma yo a bego a lebane serokaphatla le selo se se swanago. Bjale re bona mo mošemane yola a ilego, a phetšego bjo bobotse gabotse bophelo, eupša a hwa gomme a lahlega ka heleng. Gomme bjale mo re ya go bolela ka yo mongwe monna yo moswa yo a bego a lebantšwe serokaphatla le selo se se swanago. O be a le monna wa go huma, monna yo moswa, gomme e be e le mmuši, gomme, eupša o ile a amogela boetapele bja Kriste; go swana le ge mošemane yo monnyane a re boditše lebakana la go feta, gore re swanetše go mo dumelela a re etelle pele. O bo amogetše.

<sup>92</sup> Lengwalo la se le a hwetšwa, ge le nyaka go le lebelela ka morago ga ge ke feditše, le a bona, ke ka go Baheberu, ya 11 tema, gomme ya 23 go ya go ya 29 temana. A ke nong go E bala. A seo ka moka se lokile? Le tla ntshwarela gannyane bonnyane, a le ka se ke? Ga le tshwenyeye ge ke sa dire, a le tla dira? Le a bona? Ka fao re no . . . Re tla no bala ye, ka gona le re, “Ke kwele Ngwanešu Branham a bala se go tšwa Beibeleng.” Le a bona? Gomme le a tseba gore e fao gona. E be e se seo ke se boletšego, ke se A se boletšego. Bjale theetšang mo, seo Beibele e se boletšego fa sa moisa yo mobotse yo, le a bona. Bjale lebelelang.

*Ka tumelo Moshe, ge a tswetšwe, o utilwe dikgwedi tše tharo ke batswadi ba gagwe, ka baka la gore ba bone gore o be a le ngwana wa maleba; gomme ba be ba sa boife molao wa kgoši.*

*Ka tumelo Moshe, ge a . . . a eba yo mogolo, o ganne go bitšwa morwa wa morwedi wa Farao; (theetšang)*

*A kgetha bokaone go hlokofala ka tlaišego le batho ba Modimo, go na le go ipshina ka mathabo a sebe lebakana;*

*A sema go kgobogo ya Kriste . . .*

93 Tsela morago nakong ya Moshe, e be e sa no ba Kriste. Le a bona? Yena ke yo Motee a nnoši a nago le Bophelo bjo Bosafelego. Le a bona?

94 “A sema kgobogo,” go bitšwa lehlanya, mopshikologi-mokgethwa, goba se sengwe go swana le seo, le a tseba. Le a bona?

*A sema kgobogo ya Kriste go ba mahumo a magologolo go feta mahumo a Egepeta: ka gore o be a na le tlhompho go mopotso . . . tefo.*

95 Bjale le a tseba se seo se se rago? Se ra se, gore, Moshe o tswetšwe e le mošemane wa modiidi, modiidi ka nnete. Leina la tatagwe e be e le Amorammo. Leina la mmagwe e be ele Jogobeda. Gomme e be e le badiidi ka nnete, eupša e be e le Bakriste. Ba be ba šoma ka maatla. Ba be ba le bokgobeng. Ba be ba swanela go dira ditena tša leraga, le dilo, ba direla kgoši ya go tšofala. Le a tseba ke eng? Morwedi yola wa kgoši o ile a ya tlase, letšatši le letsee, nokeng fao mme . . .

96 Mmago Moshe, Jogobeda, a mo tšere gomme a mmea ka go serotwana se sennyane ntle nokeng ka mkgwa woo. Gomme dikwena tša kgale di jele ka moka masea a mannyane; gomme ba be ba ba bolaya, ba ba lahlela ntle ka nokeng. Eupša a mmea thwi ntle kua. Gomme a le tseba ka fao a dirilego dikwena go tloga go yena? O dirile ye nnyane ye—ye nnyane areka a mmea ka gare, a dira sekontiri. A le tseba gore seo ke eng? Ke thepenthane. Kwena ya go tšofala e be etla godimo, ya re, “Hmm, Moheberu yo monnyane wa go nona, ke tla mo hwetša!” E mo kwele a lla ka mkgwa woo. E ile godimo kua, “Wee! A monkgo! Uh!” Le a bona? Le a bona, mme o etelletšwe pele, gore a ka šireletša lese a gagwe bjang. Ka fao o boela morago go tloga go lona, o be a sa nyake selo go dira le leo.

97 Gomme ka gona o ile pele go theoga noka, pelepele gannyane. Gomme kgaetšedi wa gagwe yo monnyane, wa go bitšwa Miriamo, a mo latela go theoga noka, a hlokometše se se . . .

98 Gomme ka gona morwedi wa Faraa a ya ntle gomme o be a eya go mo hwetša, le a tseba, gomme a mo gogela ka ntle. Le a tseba, ka moka . . . Le a tseba, mmago o nagana gore o ngwana yo mobotsebotse kudu lefaseng; le a bona, o swanetše go dira seo. Eupša Beibele e rile mošemane yo monnyane yo e be e le yo mobotse ka nnete, mošemane yo monnyane yo mokaone ka nnete. Gomme, oo, o be a no golela le go raga direthe tša gagwe tše nnyane. O be a hloletše mmagwe, le a bona. Gomme ka fao a le tseba se se diregilego? Ka gona Modimo a bea ka go morwedi wa Faraa, morwedi wa kgoši, ka moka lerato le mme a ka kgonago go ba le lona go lesea le lennyane. Pelo ya gagwe ya no wela go yena. A re, “Leo ke lesea la ka.”

99 Eupša, le a tseba, o be le mosadi yo moswa. Le a bona, wona matšatši ba be ba se na le mapotlelo a ao le, masea, a bego a

godišwa ka wona, ka fao ba ile ba swanela go ya go hwetša mme yo a bego a, a bego a na le lesea, gomme a bile, yo a bego a tla kgona go mo fepa.

<sup>100</sup> Ka fao Miriamo o be a le thwi fao kgauswi, a re, “Ke tla ya ke go hweletše mme wa maleba.”

“Go lokile, eya o mo hwetše.”

<sup>101</sup> A le tseba yo Miriamo a go ya go mo tšea? Mmago Moshe mong. Yeo ke therešo. Ya, o ile a tšea. Bjoo e be e le bohlale, a e be e se bjona? Gomme ka fao ka gona a ya a tšea mmago Moshe mong. Gomme a re, “Ke tla tšea le go go godišetša mošemane yo monnyane.”

<sup>102</sup> A re, “O a tseba gore ke eng, ke ya go go fa ditolara tše makgolotharo, ka beke, go godiša lesea leo. Gomme o ka kgona go dula ka paleising.” Le bona ka fao Modimo a dirago ge o Mo tshepa, le a bona, ge o na le nnete ka tumelo. Lesea leo e be e le moporofeta, le a bona, gomme o be a tseba.

<sup>103</sup> Ka fao ba ile ba ya ka paleising gomme—gomme a godiša Moshe, gomme mme, mme wa gagwe mong, gomme a hwetša ditolara tše makgolotharo, ka beke, go hlokomela se sengwe le se sengwe. E nong go nagana ka seo!

<sup>104</sup> Gomme ka gona, le a tseba, ka morago ga lebakana, ka morago ga fao gwa ya lebakana le lennyane, Moshe a thoma go ba yo mogolo go lekanela go bala go ngwala. O ile a mo ruta go bala le go ngwala. Gomme ka gona o ile a mmošša, a re, “Moshe, o tswetšwe o le ngwana wa maleba. Tatago le nna re rapetše. Modimo o utolotše go rena gore o moporofeta, gomme o ya go ba molokolli wa batho, ka matsatši ao a tlogo.”

<sup>105</sup> Gomme o a tseba, ge a bile yo mogolo, ka gona o be a le eng? O ile a bewa semolao ka lapeng la kgoši. Oo, nna! O be a se a swanela go . . .

<sup>106</sup> Gomme lebelela ka ntle go batho ba gagwe mong, gomme ba be ba se na le diaparo. Ba be ba le Bakriste, gomme ba be ba lla. Gomme bona beng mošomo ba be ba ba otlala ka difepi, gomme madi a fofa go tšwa magetleng a bona. Ba gagwe—ba gagwe bomotswala le bomalome, papa le mme, ka moka ga bona; ba ba otlala ka difepi, ntle kua ka meleteng ya leraga. Gomme ka fao, eupša Moshe, ka go ba se sengwe tsela tlase ka pelong ya gagwe, o be a tseba gore ba be ba le batho ba Modimo ba tshepišo. O be a e tseba.

<sup>107</sup> Bjale, selo se se latelago a bego a eya go se dira e be e le go ba kgoši. O be a tla ba kgoši godimo ga se sengwe le se sengwe, monna wa mohumi, nna, ka moka tšhelete ya Egepeteta. Gomme Egepeteta e be e laola lefase, ka nako yeo. Eupša, lebelelang, Beibele e rile, “o ile a sema kgobogo,” go ba seduba leraga go swana le ntle kua, Mokriste. Ge ba be ba dira metlae ka bona, le go ba sega, ba ba raga. Ge ba be ba ka bolela se sengwe morago,

ba be ba ba bolaya. Le a bona? Eupša Moshe o ile a kgetha go ya le sehlopha sela go na le gore a bitšwe morwa wa kgoši.

<sup>108</sup> Lebelelang seo! Le a bona, ka gore o bone nako ya mafelelo! Le a bona monna yo moswa yo wa mohumi? Eupša o bone Jesu, go swana le ge re Mmona ka ponong, gore nako ya mafelelo ke yona e yago go lefa. Bjale, gomme a amogela boetapele bja Kriste, gomme Moshe o ile a sema kgobošo mahumo a magologolo.

<sup>109</sup> Le a tseba, nako ye nngwe ge lena bašemane ba bannyane ka sekolong, bašemane ba bannyane ba tla bolela mantšu a mabe gomme ba le nyaka ka moka le a bolela. Lena basetsana ba bannyane; basetsana ba bannyane ba tla bolela dilo tše mpe gomme ba le nyaka ka moka go di bolela. Le re, “Aowa. Ke nna Mokriste.”

<sup>110</sup> Ba re, “Aha, wena sesi yo mogolo!” Le a tseba, go ya godimo ga gago ka mokgwa woo.

<sup>111</sup> Le a bona, emela godimo, o re, “Ke thaba go ba seo.” Le a bona? Ka gore, le a bona, seo ke se Moshe a se dirilego. O ile a sema kgobogo ya Kriste mahumo a magologolo go feta ka moka a Egepeta. Bjale a re mo lateleng, a etelletšwe pele ke Kriste, re bone se a se dirilego.

<sup>112</sup> Bjale, le a bona, monna yo moswa yo o be a humile, monna wa mathomo yo moswa, eupša o be a sa nyake Kriste. O be a sa nyake go ba molatedi wa Jesu. Gomme ka fao re mo hwetša a tsebalega kudu, mohlomongwe o bile naletšana ya mobi, le se segolo se sengwe, go ka moka di—di dilo tše a bego a kgona go di dira, le se sengwe le se sengwe a bego a se nyaka. Eupša ge a be a ehwa, ga se a ba le motho go mo etella pele. Ka fao, thuto ya gagwe, yeo e be e le ye botse; tšhelete ya gagwe, yeo e be e le ye botse; eupša ge lehu le etla, seo e bile ka moka, ga se a kgona go e šomiša gape. Yena ga se a kgona go reka tsela ya gagwe godimo go ya Legodimong. Gomme ga se a kgona, ka thuto ya gagwe, ga se a kgona go ya Legodimong. Le a bona?

<sup>113</sup> Eupša monna yo moswa yo bjale, o bile le dilo tša ka moka. O bile le thuto, le yena. Ke setswatswa. O ile sekolong ka wa gagwe. . . Mmagwe o mo rutile, gomme—gomme o bile le thuto ye botse. Gomme o be a le setswatswa ka nnete, go fihla, ebile a kgona go ruta Baegepeta. O rutile thitšhere ya gagwe, o be a le setswatswa. Lebelelang ka fao a bego a le setswatswa ka gona. Eupša, le a tseba ke eng, ka godimo ga ka moka botswatswa bjoo, ka godimo ga ka moka tše a bego a na le tšona, mabokgoni ao a bego a na le wona, go le bjalo o rile, “Ke tla bo tlogela ka moka, go latela Jesu.” Le a tseba gore ba dirile eng ka yena? Ba mo raketše ntle. O tlile a ba le—le lekgoba la leraga go swana le bohle ba bona.

<sup>114</sup> Eupša letšatši le letee ge a bile monna wa go gola, o be a dišitše dinku ka morago lehlakoreng la leganata. Gomme go diregile eng? Mang kapa mang mpotše se se diregilego?

E be e le eng? [Ngwana o re, “Fao go be go le Mollo ka sethokgweng.”—Mor.] Yeo ke therešo, fao go be go le Mollo ka sethokgweng, gomme O gogile šedi ya gagwe. O retologetše ka thoko. Gomme le a tseba eng?

115 Le rile, “Rutang bana.” Bjale bana ba ya go ema gomme ba nthute. [Ngwanešu Branham o a sega—Mor.] Ka fao, gomme mošemane yo monnyane yo mo, o nepile godimo ga—o nepile godimo ga moraka. Tatago ke mang? [Ngwana o re, “Mna. Shantz.”] Mna. Shantz ke tatago. Mošemane yola o rutilwe, a ga se a dira? Le lengwe le le lengwe la wona mahlo a go etša a mannyane a lebeletše tsela ye e swanago, yo motee go ya pele ga yo mongwe yo motee, le a bona.

116 Ka fao bjale lebelelang, o dirile, gomme seo—gomme seo—seo sethokgwa se mo gogile, se tuka, gomme a re, “Ke tla retologela ka thoko gomme ke bone gore ke eng.”

117 Gomme Modimo a re go Moshe, “Rola dieta tša gago, mobu wo o emego go wona ke wo mokgethwa. Ke go kgethile gore o ye tlase gomme o lokolle batho ba Ka. Ke go fa maatla; o ka kgona go ratha lefase ka dikotlo, o ka kgona go fetola meetse go ba madi, o ka kgona go tliša matsetse le dinta. Ga go selo se se yago go go kweša bohloko. Ke tla go kgetha.” Ka baka la eng? Ka gore o kgethile Kriste. Le a bona? O kgetha Kriste, gomme Yena o kgetha wena. Le a bona? Bjale O rile, “O Nkgethile, gomme Ke go kgethile go ya tlase kua ka Egepeta.”

118 Gomme lebelelang se a se dirilego. O etelletše pele batho ba milione tše pedi, batho ba milione tše pedi ka ntle, batho ba gagwe, gomme a ba tliša ka nageng ya tshepišo. Gomme, bjale, o ile a latela. Re mo latela ka moka go kgabola lešoka; gomme lena bana le kwele Ngwanešu Leo le Ngwanešu Gene, le tatago lena le mmago lena, ba le botša se se diregilego ka lešokeng, ka fao a tlišitšego borotho tlase go tšwa legodimong le go fepa batho ba ba swerwego ke tlala, le ka moka dilo tše.

119 Gomme bjale re a hwetša, ke monna wa mokgalabje bjale, ke mokgalabje ka nnete, o mengwaga ye lekgolo le masomepedi ka bokgale. Gomme o ka lešokeng.

120 Gomme batho ga se ba mo sware gabotse, go le bjalo. Le a bona, dinako tše dingwe batho ba ba ipitšago ka bobona Bakriste ga ba go sware gabotse. Eupša Jesu ka mehla o go swara gabotse. Le a bona? Le a bona? Ka fao re a hwetša bjale gore batho ba ile ba ngangabala kgahlanong le yena, eupša a dula thwi le bona, go le bjalo. Gomme o be a le moetapele, gomme o ile a swanelwa ke go dula le bona. Gomme Barongwa ba Morena ba bolela le yena. A o ka se rate go ba le seo se direga go wena? Ka gona dira kgetho ya maleba, gomme kgetha Jesu, gomme O tla e dira.

121 Bjale, ka gona re a hwetša, mafelelong a tsela, o bile mokgalabje ka nnete. O be a se sa kgona go rera gape, gomme

lentšu le gagwe le be le ile fase. Ka fao o ile a šegofatša Joshua, gomme a ya godimo ntlhoreng ya thaba, go hwa.

<sup>122</sup> Na le a tseba gore go diregile eng ge a ehwa? Fao, go, go diregile eng? [Mošemane o re, “O hwile, gomme ka gona O mo tsoitšhe go tšwa bahung.”—Mor.] Seo ke therešo tlwa. Seo ke therešo tlwa.

Bjale le re, “E kae yeo?”

<sup>123</sup> Bjale, motsotso feela, mošemane o nepile, le a bona. O tsoitšhe go tšwa bahung. Bjale. (Miriam, ke a tseba o tsebile seo. Uh-hum. Le a bona?) Bjale lebelelang. O mo tsoitšhe go tšwa bahung. Ka baka la eng? Ka gore, mengwaga ya makgoloseswai moragorago, mo o be ale godimo ka Palestina, a eme le Moetapele wa gagwe nako yeo, Jesu, yo a semilego kgobogo ya Leina la Gagwe mahumo a magologolo go feta ka moka mahumo a Egepete. O semile . . . Moetapele wa gagwe o be a eme kua. Le a tseba, O biditšwe . . .

<sup>124</sup> Ka—ka Beibeleng, le a tseba, fao go be go le Letlapa le le bego le eya le Israele. Gomme ge Moshe a loketše go hwa, o gatetše godimo ga Letlapa le. Gomme Letlapa leo e be e le Jesu. Le elelwa ge Jesu a be a bolela, gomme ka go Mokgethwa Johane, ya 6 tema?

Go lokile, o rile, “Botate wešu ba ja manna ka lešokeng!”

<sup>125</sup> A re, a re, “Tate wa Ka o le file manna ao.” A re, “Ya, ba ja manna. Yeo ke therešo. Gomme ba, yo mongwe le yo mongwe yo motee wa bona, ba hwile, ka gore ba se ba tšwela pele ba eya, le a bona.” A re, “Ba, yo mongwe le yo mongwe yo motee wa bona, ba hwile.” Eupša a re, “Ke nna Borotheo bja Bophelo bjo bo tšwago go Modimo go tšwa Legodimong.”

<sup>126</sup> “Botate wešu ba nwele go tšwa Letlapeng. Moshe o rathile Letlapa,” gomme a re, “gomme meetse a tlile pele.”

A re, “Ke nna Letlapa leo le bego le na le yena.”

<sup>127</sup> Gomme lebelelang, ge Moshe a ehwa, o gatetše godimo ga Letlapa leo. A le a tseba gore go diregile eng? Beibele e boletše gore “Barongwa” ba ile ba tla gomme ba mo tšea.

<sup>128</sup> A phapano go tšwa go monna yo mongwe yola! Monna yo moswa yola, le a bona, ge a be a ehwa, ga se a ba le yo mongwe go mo swara, ka fao o ile a no nwelela tlase go kgabola leswiswi, go ya ka heleng, gomme o fao bjale, fao.

<sup>129</sup> Ka gona ge Moshe a gatela ka ntle ga bophelo, ge a be a eya, o be a tšere Moetapele. Mmagwe o mo eteletše pele gabotse, tatagwe o mo rutile gabotse. Gomme ka gona ge a eba wa mengwaga, monna yo moswa, ka gona a re, “Ke bona Bophelo bjo Bosafelego, ge nka ya tlase le ba ba go diila, ba go se hlokomelwe batho, le go sepela le bona, ka gore ke batho ba Modimo. Ga ka swanela go dira. Nka kgona go ba kgoši, eupša ga ke nyake go ba kgoši. Nka kgona go ba le tšhelete ka moka ye e lego ka Egepete,

ka gore ke ya go ba mong wa yona. Ga ke e nyake. Bokaone ke sepele le Jesu.” Gomme ka gona ge a sepela go kgabola bophelo, gomme ka gona ge a thoma go sepelela ka ntle ga bophelo, fao go be go le Moetapele wa gagwe go mo swara ka seatla.

<sup>130</sup> A ga le nyake Moetapele yoo? A ka moka ga re nyake Moetapele yoo go mo swara ka seatla sa Gagwe?

<sup>131</sup> Mengwaga ye lekgolo moragorago, o ile a bonwa le Moetapele yo mogolo wa gagwe. O etelletše pele. O dirile—o dirile kgetho, ya boswa bja gagwe, gomme ka fao Modimo o be a mo swere.

<sup>132</sup> Le a tseba ke eng? Monna wa mohumi o ka heleng, yo motee yola monna yo moswa wa mohumi yo a gannego. Le a bona, bjale elelwang, o bile le thuto, o bile le bodumedi, o be a eya kerekeng, o be a le monna yo mobotse, eupša o ganne Jesu. Le a bona?

<sup>133</sup> Gomme monna yo moswa yo, o be a rutegile, gomme o be a na le bodumedi, eupša o be a nyaka Jesu. Le a bona, Moshe nkabe a bile mohumihumi kudu go feta—go feta ka mo moisa yo moswa yo a ka bego a bile, ka gore o be a no ba le tšhelete, go molaleng dipolasa le dilo tša go swana le seo, mohlomongwe dipolotiki le go ya pele, eupša Moshe o be a swanetše go ba kgoši godimo ga lefase. Gomme a tlogela ka moka tseo.

<sup>134</sup> Gomme le a tseba ke eng, bana? Ge fao go se Egepeta, gomme ge fao go se mahumo, fao go tla be go sa no ba Moshe, ka gore o kgethile selo sa maleba. Le a bona? O kgethile selo sa maleba go mo etella pele.

<sup>135</sup> Ge fao go se sa na le diphiramiti kgolo! A le bala ka diphiramiti ka Egepeta? Le letee la matšatši a, di tla ba lerole, ka fase ga pomo ya athomo. Ka moka mahumo a lefase, batho ba tla le lahlela ka moyeng, gomme ba goelesa, gomme ba re le dirile diboko ka nameng ya bona, gomme ba goelesa le go goeletša. Le a bona, le tla feta go tloga.

<sup>136</sup> Eupša bona ba ba amogetšego Jesu go ba etella pele, ba ka se tsoge ba hwa. Ba na le Bophelo bjo Bosafelego. Le ge ba ka hwa tlhagong mo, Jesu o tla ba tsošetša godimo gape.

<sup>137</sup> Le swanetše go dira kgetho. Kgetho ya lena e tla beakanya gore mafelelo a gago a ka gosafelego a tla ba eng. Elelwang, Jesu o kgopela yo mongwe le yo mongwe yo motee wa rena, “Latela Nna ge o nyaka Bophelo.” Le a bona, boetapele, “Latela Nna. O tla ba le Bophelo bjo bosafelego.” Gomme ke na le nnete, le go rena ba bagolo, re hwetša se sengwe go tšwa go se, le rena. Ge o nyaka Bophelo, o swanetše go Bo amogela. O nyaka bodumedi, o a bo amogela. Ge o nyaka. . . Se o swanetšego go se dira, seo o se amogela, seo ke se o tla se hwetšago. Eupša go nna le go wena, le go bana ba bannyane ba, elelwang, le na le taletšo. Jesu o rile, “Latelang Nna, gomme le be le Bophelo bjo Bosafelego.” Seo ke se re nyakago go se dira, a ga re dire?

138 Bjale ke ba bakae ba lena bao ka nnete ba nyakago go latela Jesu, le gore, “Go lokile, go lokile, ge ke eba yo mogolo go lekanela le go gola go lekanela go dira kgetho ya ka, gomme go dira se. . . ga ke tshwenyege gore ke tšhelete ye kae ke nago le yona, ke diila bjang, batho ba ntshega gakaakang, goba se sengwe le se sengwe gape, ke nyaka go latela Jesu. Ke nyaka go dira kgetho ya Moshe, e sego monna yo moswa wa go huma”? Ke ba bakae ba nyakago go dira seo thwi mo? Bjale le nyaka ka nnete go e dira?

139 Ke nyaka gore o eme le nna. Ke nyaka gore o bea seatla sa gago sa ngele godimo ga pelo ya gago, le go swara seatla sa gago se setona godimo. Ke nyaka gore o tswalele mahlo a gago bjale le go inamiša hlogo ya gago, gomme e no bolela mantšu a ka morago ga ka. [Phuthego e bušetša sekafoko se sengwe le se sengwe ka morago ga Ngwanešu Branham, ka thapelong ye e latelago—Mor.]

140 Morategi Jesu, [“Morategi Jesu,”] Ke gafela bophelo bja ka go Wena. [“Ke gafela bophelo bja ka go Wena.”] Ke kwele thero ye, [“Ke kwele thero ye,”] fao banna ba baswa ba babedi ba dirilego kgetho ya bona. [“fao banna ba baswa ba babedi ba dirilego kgetho ya bona.”] Ga ke nyake go ya ka tsela ya mmuši yo moswa wa go huma. [“Ga ke nyake go ya ka tsela ya mmuši yo moswa wa go huma.”] Eupša ke nyaka go ya ka tsela ya Moshe. [“Eupša ke nyaka go ya ka tsela ya Moshe.”] Ke no ba ngwana, go le bjalo. [“Ke no ba ngwana, go le bjalo.”] Nketelle pele, Morategi Jesu, [“Nketelle pele, Morategi Jesu,”] go ya Bophelong bjo Bosafelego. [“go ya Bophelong bjo Bosafelego.”] Amene. [“Amene.”]

Bjale inamiša hlogo ya gago.

141 Morategi Jesu, letšatši le letee, ka leetong la Gago mo lefaseng, ba tlišitše go Wena baisesa ba bannyane ba ba bjalo ka ba ke bego ke bolela le bona morago ga sekgalela se. Gomme barutiwa ba rile, “Mong o lapile kudu. O rerile mosong wo. O rerile, se le *sela*, gomme O lapile kudu. Le se ke la Mo fa bothata.”

142 Eupša, Jesu, O rile, “Tlogelang bana ba bannyane ba tle go Nna, ka gore Mmušo wa Magodimo ke wa ba ba bjalo.”

143 Morena Modimo, lehono amogela bašemane le basetsana ba bannyane ba mo, ka mo sekolong se sa toko, mo fao ngwana wa borena a tlilego karolong ka lehlakoreng le la lešoka mo, go tliša ntle malapa ao a dumago go ikaroganyana ka bobona go tšwa go dilo tša lefase, go diilela feela go Wena. Gomme bjale ba bannyane ba bona ba mo, ba bogetše maphelo a botatabo le mmabo, bjalo ka ge re le—re le mehlala go go ka moka tše re di dirago. O Morategi Modimo, Mohlodi wa Magodimo le lefase, hlahla maoto a rena, Morena, gore re se ke ra dira selo pele ga ba bannyane batee ba, se se tla beang kota sešitiši ka tseleng ya bona. Ka gore go boletšwe, go tla ba bokaonekaone gore re be le lwala le tlemilwe molaleng wa rena, gomme re lahlalwa



ka lewatlang, go na le gore re kgopiše yo motee wa ba batee ba ba bannyane. O rile, “Barongwa ba bona ka mehla ba bogela sefahlego sa Tate wa Ka yo a lego Legodimong,” Morongwa yo mogolo, Morongwa mohlhali, godimo ga ye nngwe le ye nngwe ya disoulo tše nnyane tše.

<sup>144</sup> Bjalo ka ge ba dutše ka morago ga sekgalela se ka mahlo a bona a mannyane a bulegile go phatlalala, ba lebeletše le go araba dipotšišo, le go theetša ditori tša lesea le lennyane tša Beibele, tša ka fao banna ba baswa ba babedi ba ba tšerego dikgetho tša bona, gomme yo mongwe le yo mongwe yo motee wa bona ba neela maphelo a bona go Wena. O Jehofa Modimo, ba etelle pele, ba šireletše. Gomme a nke ba hwetše Moetapele yo mogolo yo, Jesu Kriste, yo a tla ba etellago pele ge tate le mme le mathitšhere ba feditše ka bona. A nke O ba etelle pele go ya Bophelong bjo Bosafelego, bjalo ka ge O dirile go Moshe, ge ya go kokobela, ye nnyane, thapelo ya ngwana e ile go Wena. Ke ba neela go Wena, Morena, bjalo ka mohlanka wa Gago, bjalo ka mefapahlogo le mabjebhlokwa a korone ya Gago. Ba šomiše, Morena, go tlhompho ya Gago, lefaseng. Leineng la Jesu Kriste. Amene.

<sup>145</sup> Gomme lena ba bannyane ba batee, baisesa, le kgona. . . Bjale le ikwela bokaonekaone ka yona bjale? Le a tseba Jesu o ya go le etella pele le go le hlahla. A ga le dumele seo? Gomme Jesu o ya go le dira lena bašemane ba bannyane go no swana le Moshe le Miraimo, moporofetagadi le—le moporofeta, O tla dira batho ba bagolo go tšwa go lena.

<sup>146</sup> Bjale, rena batho ba kgalekgale, ba ba Mo amogetšego, a ga re Mo nyake gore a re etelle pele go ya pele, le rena? Ke Mo nyaka gore o nketelle pele go ya pele, go hlahla maoto a ka, go swara seatla sa ka. Le a bona? Gomme ebile ge ke etla tlase go ya nokeng, ke—ke nyaka go ba le go swara seatla sa Gagwe. Ka moka re nyaka seo, a ga re dire?

<sup>147</sup> Morategi Jesu, re etelle pele, le rena, Tate. Bjale re lokišetša go arogana go tšwa mongwe go yo mongwe. Ke swanetše go ya morago Tucson. Ke swanetše go lokela dikopano tše di tlogo. Modimo, ke neela sehlopha se sa batho, Ngwanešu Leo le Ngwanešu Gene, le ka moka balatedi mo, ka diatleng tša Gago, gore O tla ba šegofatša le go ba rata, go lebelela ka moka makgopo a bona, go fodiša ka moka malwetši a bona, go ba boloka ka mehla ka leratong le ka kopanelong, le go tutuetša bao ba ka bego ba . . . ba thoma go lapa. Gomme nako ye nngwe Sathane a ka tla mmogo le go ba dira gore ba nolege moko, eupša, eelwa, O ile go kgabola selo se se swanago, go nolega moko, go tlogelwa ke—ke banna ba lefase le, le batho. Gomme dinako tše dingwe bagwera ba go rategarategirategi, le go ditswalle, re a tlogelwa. Eupša fao go yo Motee yo re mo kgethilego, A ka se tsoge a re šia goba go re tlogela.

148 Re etelle pele, Morena, go ya Bophelong bjo Bosafelego. Ke a rapela gore O tla fa gore re kgone go tla mmogo dinako tše ntši go feta, lefaseng, le go bolela ka Wena le go bolela ka Wena. Gomme ka gona ke Letšatšing le legolo lela, ge lefase le fedile le ka moka nako e feletše ka go Bokagosafelego, a nke re kopane ka go Mmušo wo mogolo wola, bjalo ka malapa ao a sego a thubega, go go phela mmogo ka morago ga fao go ya ka gosafelego. E fe, Morena. Go fihla nako yeo, a nke re šome, re itapiše ka ka moka maatla a rena, ge letšatši le sa phadima. Ka gore re e kgopela Leineng la Jesu. Amene.

149 Modimo a šegofatše yo mongwe le yo mongwe yo motee wa lena. [Lefelo la go se be le selo godimo ga theipi—Mor.]

Ka tlhahlo keletšo ya Gagwe, o go thekgile,  
 Ka matsogo a Gagwe o go phutha ka polokego;  
 Modimo a be le lena go fihla re kopana gape!  
 Go fihla re kopana! go fihla re kopana!  
 Go fihla re kopana maotong a Jesu;  
 Go fihla re kopana! go fihla re kopana! (Ke a  
 go leboga, ngwanešu.)  
 Modimo a be le lena go fihla re kopana gape!

Modimo a le šegofatše ka moka.



*BOETAPELE* NST65-1031A  
 (Leadership)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena ka morago ga sekgalela, Okotobere 31, 1965, ka Pine Lawn Trailer Park ka Prescott, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
 58 DISA ROAD, ADMIRAL'S PARK, GORDON'S BAY 7140 WESTERN CAPE  
 REPUBLIC OF SOUTH AFRICA

VOICE OF GOD RECORDINGS  
 P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)